



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Bernardo Primo Et fratribus ejus.

**urn:nbn:de:hbz:466:1-20020**

## 656 Epistolarum Innocentij III.

**C**apellis, pertinentiis, & appendiciis suis, necon & alia bona vestra, sicut ea justè ac pacificè possidetis, vobis & per vos domui Hospitalis auctoritate apostolica confirmamus & praesentis scripti patrocinio communimus. Nulli ergo &c. confirmationis &c. usque incursum. Datum Signæ xiiii. Kalend. Augusti, pontificatus nostri anno decimoquinto.

*IOANNI REDOSTONENSI  
Episcopo.*

Epiſt. 134.  
De Græco E-  
piloco ad Ec-  
clesiæ unitatem  
reverendo.

**C**Vm ad obedientiam sacrofanciæ Ro- manæ Ecclesiæ redieris, sicut ex parte tua fuit propositum coram nobis, auctoritate tibi praesentium indulgemus ut in apostolicæ sedis devotione perfistens, illa gaudias libertate qua gaudent Latini Episcopi Romanæ, illamque jurisdictionem in subditos tuos obtineas quam & ipsi in diocesis suis habent. Nulli ergo &c. concessions &c. usque incursum. Datum Signæ xiiii. Idus Iulij, pontificatus nostri anno decimoquinto.

*E I D E M.*

Epiſt. 135.  
Vt Græcos hor-  
teur ad unita-  
tem Ecclesiæ.

**C**Vm ad obedientiam apostolicae sedis redieris, ut quod audisti alij dicas Veni, & trahas quasi cortina cortinam, fraternitati tuae praesentium auctoritate mandamus quatinus coepiscopos tuos necnon monachos & Clericos Græcos, ut ad obedientiam sedis apostolicae revertantur, exhortationibus sedulis efficaciter moneas & prudenter inducas, ita quod diligenter tua claret in effectu, & gratiam nostram merearis plenius & favorem. Datum Signæ xiiii. Idus Iulij, pontificatus nostri anno decimoquinto.

*BOIANENSI EPISCOPO.*

Epiſt. 136.  
De quoddam in-  
strumento cor-  
roso.

**S**Ignificante venerabili fratre nostro Episcopo Venafrano ad nostram novem audientiam pervenisse quod Ecclesia sua ignis incendio devastata, ipsius privilegia coactus est alias deponere conservanda: inter quæ privilegium quoddam, quod inter Ecclesiam Venafranam & Hospitalarios civitatis ejusdem compositionis & pacis federa continebat, repertum est ex conservatorum incautela corrosum. Vnde quia ex ipsius abolitione magnum posset Ecclesiæ Venafranae dispendium provenire, ac nonnulli, qui dum idem conderetur privilegium interfuerant, dictos Hospitalarios simile habere privilegium asseverent, nobis humiliter supplicavit ut inducerem dicatos Hospitalarios ad exhibendum idem

privilegium dignaremur. Volentes igitur Ecclesiæ Venafranae dispendii præcavere, fraternitati tua per apostolica scripta mandamus quatinus Hospitalarios antedictos ad præfatum privilegium exhibendum, secundum quod Ecclesiæ antedictæ privilegium reformatum, moneas efficaciter & ducas. Alioquin depositiones prædictorum testium audiens, efficias & procures ut eorum dicta in scripturam publicam ad perpetuam memoriam redigantur. Datum Signæ xiiii. Kal. Aug. pontificatus nostri anno decimoquinto.

*BERNARDO PRIMO ET  
fratribus ejus.*

**N**E quis de cetero vestrum valeat capi lumiari propositum, sicut olim diligenter examinavimus fidem vestram, ita nunc conversationem vestram prudenter investigare curavimus, & utramque litteris apostolicis fecimus comprehenere, ut illas in testimonium habeatis. Conversationis ergo vestrae propositum tale est. IN NOMINE patris & filii & spiritus sancti & beatissimæ semper virginis Marie, ad adificationem universalis sanctæ Dei Ecclesiæ, & ad salutem animarum nostrarum & omnium ad quorum aures pervenerit. Sicut deliter credimus corde, fidem catholicam per omnia & in omnibus integrum & inviolatam, quemadmodum in litteris nostris examinationis expressum est, ore firmiter confiteri & nuntiare & prædicare proposuimus & usque ad animam & sanguinem adversus omnes factas haeresum defendere viriliter promisimus, consistentes sub magisterio & regimine unius & veri magistrorum Domini nostri Iesu Christi ac piffimi Vicarij ejus Papæ Innocentij & successorum ejus, semper permanentes tam corpore quam spiritu in communione sanctæ Romanae ac universalis Ecclesiæ, quam sanctam & catholicam & apostolicam semper & ubique confitemur & praticamus, extra quam neminem salvari fatemur. Sed quia fides sine operibus mortua est, seculo abrenuntiavimus, & quæ habebamus, velut à Domino consultum est, pauperibus erogavimus, & pauperes esse decrevimus; ita quod solliciti esse de crastino non curavimus, nec aurum vel argentum vel aliquid tale, præter vestimentum & victum quotidianum, à quoquam accepturi sumus. Confilia quoque evangelica velut præcepta servare proposuimus. Et quamquam officium nostrum sit præcipue ut omnes dicant scripturas factas & omnes idonei exhortentur,

„tamen, dum tempus ingruit, propriis manibus laboramus, ita duntaxat ne premium accipiamus conventum. Nam cum ex magna parte Clerici simus, & penè omnes litterati, lectioni, exhortationi, doctrinæ, disputationi contra omnes errorum sectas decrevinimus defudare, disputationes tamen à doctioribus fratribus in fide catholicæ comprobatis & instructis in lege Domini dispensari, ut adversarij catholicæ & apostolicae fidei cognoscant veritatem, & resipiscant à laqueis diabolici erroris, quibus tenentur capti. Cum Prælatorum verò licentia & veneratione debita per idoneos fratres & in sacra pagina instructos, qui potentes sint in sana doctrina arguere gentem errantem, & ad fidem modis omnibus trahere, & in gremio sacrosanctæ Romæ Ecclesiæ studebimus revocare. Denique licet dicat Christus, Oportet semper orare & non desicere, & Apostolus, Sine intermissione orate, tamen quidam nostrorum per viginti quatuor vices inter diem & noctem, alij quindecies, alij duodecies, qui autem minùs septies, pro omnibus hominibus secundum eorum gradus orant. Continuentiam perpetuam & castimoniam vel virginitatem inviolabiliter conservando, suspeclum mulierum consortium devitando, ut nemo nostrum solus ad solam, nec etiam ad loquendum, nisi audientibus aut videntibus legitimis testibus & certis personis, accedat. Nunquam in una domo fratres & sorores præsumant dormire, nunquam ad unam mensam residere. Ecclesiastica sacramenta suscipiemus ab Episcopis & sacerdotibus in quorum diocesibus & parochiis commorabimur, & eis obedientiam debitam & reverentiam exhibemus. Per honestiores autem & instrutiores in lege Domini & in sanctorum patrum sententiis verbum Domini censuimus proponendum, de Prælatorum Ecclesiæ conscientia & consensu, fratribus & amicis, Clericis & laicis, ut discant necessaria pro haereticis convertendis. In omnibus vero episcopatibus, dioecesis, vel parochiis in quibus sumus vel fuerimus, disponimus jejunare secundum morem & consuetudinem Prælatorum & catholicorum virorum orthodoxorum illarum provinciarum, tam in vigiliis, quam in jejunis quarti temporum & quadragesimæ. Ad mensam quoque semper legendum in domo qua fuerimus conversati, ex quo numerum excedimus octonarium. Silentium sibi militer data benedictione usque ad peragens gratias observandum, nisi ob cor-

rectionem lectoris aut ob explanationem lectionis. Qui verò secularium nobis credunt, à quibusunque aliquid per aliquam fraudem haberint, necesse est, si potuerint & nobis acquiescere voluerint, ut ipsis & non aliis restituant. Decimas siquidem & primitias & oblationes & cetera secundum usum locorum servitia Prælatis & aliis Clericis sub quorum diocesis vel parochiis visitaverint fideliter persolvant, quod omnibus fidelibus Christianis efficaciter suademus. Religiosum & modestum habatum ferre decrevimus, qualem ex voto confuevimus deportare; utendo de cetero calciamentis communibus, ad consilium & mandatum summi Pontificis, pro tollendo scandalo quod contra nos movebatur de calciamentis desuper apertis, quibus uti haec tenus solebamus.] Vos ergo præscriptum conversationis propositum de corde puro & conscientia bona & fide non facta observetis ut Deo gratum obsequium & hominibus utile prebeatis exemplum. Datum Signæ x. Kalend. Augosti, pontificatus nostri anno decimoquinto.

*POPVLO ALEXANDRINO,  
spiritum consilij Sanoris.*

**A**postolica sedis erga vos ab ipsis civitatis vestræ primordiis gratiam & favorem ipsius quoque civitatis vocabulum protestatur, quam felicis memoriae Alexander Papa prædecessor noster, utpote novam plantationem Ecclesiæ, tanta caritatis prærogativa dixit ut in perpetuam sua gratiæ ac vestre devotionis memoriam, eam suo curaverit nomine insignire. Qualiter autem nos ejus in vestra exaltatione vestigia non solum imitati fuerimus, verum etiam supergressi, licet operibus vos exhibatis immemores, in vestris tamen cordibus memores, sicut credimus, permanetis; quippe cum talia sint quæ vobis contulimus ut eorum nullo debueritis tempore oblivisci. Miramur igitur, nec satis admirantes sufficiimus admirari, quod conversi in arcum perversum, & in reprobum sensum dati, sic citò recessisti à fidelitate nostra & sanctæ Romanae Ecclesiæ matris vestræ, cui non solum debita minime præstisti, verum & in impiorum consilium abeuntes, facti estis inimici ejus, in capite impugnantes eam unâ cum persecutoribus ejus, & Ottoni tyranno & excommunicato & maledicto in nostram injuriam & animarum ac rerum vestrarum periculum adharcentes. Quamquam igitur merita vestra non exigant ut vos patris mansuetudine

Eps. 138.  
Vt ab Ottono  
Imp. recedant.  
Vide infra epis.  
189. Et Baron.  
ad an. 1168.  
§. 83.

O O o o

Tom. II.